



AD MAJOREM DEI GLORIAM

EJUSQUE GENITRICIS MARIAE

SINE LABE CONCEPTAE ORIGINALI

HAS THEOLOGICAS CONCLUSIONES

V. D. SUB. MENTI CONFORMES

DEFENSANDAS PROPONIT

**P. F. JOSEFUS MARTIN**

OLIM D. BONAVENTURAE COLLEGIO COLLEGA

SUB PRAESIDIO

*P. Fr. MICHAELIS LOPEZ*

OECONOMIAE SOCIETATIS MATRITENSIS

SOCII DE MERITO

AC IN MAG. S. P. N. FRANCISCI HISPA-

LENSI CONVENTU LECTORIS PRIMARIJ

DIEBUS 18, ET 28 MENSIS MAJI

ANNI DOMINI 1790.

DE TUBILATIONE RELIGIONIS.



apud Joseph Padrino et Solis, Typoph.  
in vico Genuensi.



AD MAJOREM DEI GLORIAM

ET USQUE GENITRICIS MARIE

SINE LABE CONCEPTAE ORIGINALI

HAS THEOLOGICAS CONCLUSIONES

Y. D. SUB. ...

DEI

P. F. JOSEPHUS MARTIN

OLIM D. BONAVENTURAE COLLEGIO COLLEGA

SUB PRAESIDIO

P. F. MICHAELIS JOSEPH

OECONOMIAE SOCIETATIS MATRITENSIS

SOCI DE MERITO

AC IN MAG. S. P. N. FRANCISCI HIST.

PRIMI CONVENTUS LATORUM PRIMARIU

DIEBUS 18 ET 28 MENSIS MAJI

ANNI DOMINI 1790.

IN OCCASIONE JUBILATIONIS

Et in ...  
et Joseph Padino et Solis Typogr.  
in vico Genuensi.

88

*EX THEOLOGIA SCHOLASTICA.*

1. Theologia positiva, et Scholastica est una, eademque essentialiter scientia, solúmque ad invicem distinguntur accidentali quodam procedendi modo.
2. Adéo inter se utraque Theologia copulari debet, ut sola positiva, aut Scholastica sola sufficere nequeat Theologo.
3. Sola stante positiva Theologia non facile terminari posset controversia inter Latinos, et Graecos circa justam in Symbolo introductionem particulae aut vocis *Filioque*.
4. Immeritó Graecos particulam illam: *Filioque* é Symbolo tolli velle, sufficientissime probatur beneficio proecipue Scholasticae Theologiae.
5. Nón superflua, immó utilissima reputari debet controversia illa de Spiritu Sancto distincto, vel non á Filio, casu quo non procederet ab illo.
6. In hipotesi illa, scilicet, si Spiritus Sanctus non procederet á Filio, dicimus quod adhuc distingueretur ab illo realiter personaliter, ac proinde nullam ex illa distinctione deduci potest argumentum ad dogma probandum contra Graecos.
7. Ex ignorantia Scholasticae Theologiae, aut minimo illius usu prava fuit orta intelligentia Abbatis Joaquin, et aliorum circa unitatem essentialis divinae contra Catholicum sensum sententiae Magistri.

- 4
8. Ipsa duce Scholastica Theologia essentia divina nec generat, nec generatur.
  9. Sano in sensu intelligi nequeunt frequentes illae Patrum locutiones: Filius est, vel generatur de substantia Patris: Patris substantia genuit Fillium, et similes absque ope aut beneficio Scholasticae Theologiae.
  10. Controversia illa pro inutili à Criticis reputata: An, nimirum, si Verbum incarnatum fuisset, Adamo non peccante, valde utilis et ad docendum et ad instruendum judicari debet, quaecumque sit ejus Catholica resolutio.
  11. Ex Theologia deducimus Scholastica nullam esse praeter divinam voluntatem Incarnationis causam, ac proinde Verbum fuisse incarnatum, et si non peccasset Adamus.
  12. Eandem inferimus Conclutionem circa Incarnationem Verbi, Adamo non peccante, ex solidissimis Theologiae positivae fundamentis.
  13. Catholicorum opiniones in Theologia Scholastica fundatae circa peccati Originalis essentiam adeo utiles sunt, ut sine illis non facile diluantur sofismata haereticorum, ac errores.
  14. Valdè diversa est à sententia Haereticorum opinio illa quae essentiam Originalis peccati statuere videtur in concupiscentia, seu morbidâ qualitate existente in carne, et ex carne in animam derivatâ.
  15. Originale peccatum consistit formaliter in absentia justitiae originalis; nec re

dis dissentiri videntur Catholici illi Theologi qui  
aliam stabiliunt Conclusionem.

16. Ex Theologiâ habetur Scholasticâ Christum D.  
meruisse, aut satisfecisse pro omnibus homini-  
bus, quoad sufficientiam; pro electis vero quoad  
efficaciam.

17. Neque huic adversatur Conclusioni Immacu-  
lata Conceptio Bmæ V. Mariae; quin potius  
in ea magis extollitur Christi efficaciam satisfactio-  
nis, ac meriti.

18. Adéo concluditur ex Scholastica Theologia  
Bmam V. Mariam esse Dei genitricem, ut Hae-  
retici contrarium substinentes, duas in Christo  
fateri debeant personalitates.

19. Nancquam ratio rejicienda est, quae secum  
vim ac soliditatem habeat, propter authorita-  
tem, quae infallibilis non sit.

20. Malé ergo et absque omni prorsus fundamen-  
to Theologia illa calumniatur, sine qua nec so-  
lidus, nec absolutus quilibet esset Theologus;  
illa, inquam, quam Scholastici didicerunt ex  
proecipuis Sapientioribus Magistris, ac Doctori-  
bus Angelico, Serafico, Resoluto, Subtili.

**EX THEOLOGIA MORALI.**

**A**usteritas nimia in Concilijs, et in opinioni-  
bus hinc perniciem cedit animarum, et in  
multoties proceptorum vilipendium.  
iussit confiteri statim ac committitur pec-  
ca-

- catum, non tenetur tamen peccator ad hoc; immo opinio contraria inter nimis austeras reputari debet.
3. Non peccat saltem mortaliter qui pluribus diebus festis aliqua parva opera servilia proestat, vel proestare proecipit, quae simul sumpta magnam constituunt materiam.
  4. In die festo non tenentur fideles ad aliquid aliud faciendum praeter Sacri auditionem.
  5. Officia Ecclesiastica, casu excepto concursus, absque peccato saltem mortali dignis conferri possunt, dignioribus dimissis, quoties ex hoc rationabiliter non timetur sequiturum damnum Ecclesiae, aut animarum.
  6. Licitè vendi possunt saecularia Officia, quoties ex eorum venditione non sit periculum notabilis detrimenti Reipublicae.
  7. Confessarius debet se conformare probabili poenitentis opinioni contra suam propriam.
  8. Confessarius advertens conjuges bona fide contraxisse cum impedimento dirimente, et adhuc illud ignorare; tacere debet, ac permittere eos in tali permanere fide, si ex advertentia, aut separatione grave videat imminere scandalum.
  9. Licitum est mutuanti aliquid ultra sortem exigere ratione precise periculi imminetis, cui in ea exponitur recuperanda.
  10. Moribundus quilibet catholicus qui nec confessionem petere potest, nec aliquid manifestare signum contritionis, debet tamen mortaliter absolvi, dum ei absolutio conditionata vel sub conditione.

7  
11. Caveri debet, immó abhorrere á nimia in re-  
bus moralibus laxitate.

12. Animarum Pastores sub mortali tenentur suas  
instruere oves in doctrina Christiana, earum circa  
hanc ignorantiam detegendo post possibilem in-  
quisitionem.

13. Ex maxima quae experitur ignorantia. Chris-  
tianae Doctrinae proecipua oriuntur vitia Rei-  
publicae turbantia pacem, nec non et Ecclesiae.

14. Non esset juxta lex poenam infligens mortis  
furibus ob solum simplex furtum, omni alia se-  
clusa agravanti circumstantia.

15. Justissima est lex civilis, qua Hispanica utun-  
tur Tribunalia circa poenam mortis Latronibus  
infligendam; nec huic adversatur Sub. Dr. Joan-  
nes Duns. Scotus.

16. Legislatores tam Ecclesiastici, quam Civiles  
Subditos obligare possunt ad culpam, et qui-  
dem mortalem.

17. Potest humanus Legislator statuere legem non  
solum ad culpam, sed etiam ad poenam obligan-  
tem.

18. Lex pure poenalis quatenus talis est nuncquam  
obligat ad culpam aliquam ultra eam quae ad  
ipsam respicit poenam.

19. Lex pure poenalis, quatenus talis est, non  
tollit obligationem ad culpam, quae per aliam  
legem moralem divinam vel humanam imposita  
fuerat, nisi forte ipse Legislator plenam ad hoc  
potestatem habens, per legem suam poenalem  
vel

vel per aliam declaret se tollere illam obligantem.  
 20. Qui ergo tributa Principibus debita per fraudem, et simulationem reddere omittunt, non liberantur á peccato, nec á restitutione, quamvis sic facientes subeant periculum poenae, quae per legem imponitur contra illos.

*EX THEOLOGIA DOGMATICA.*

1. **C**Hristus D. simpliciter et absolute supremo cultu est adorandus.
2. Bma. V. Maria invocari potest, ac meritó honorari dignissimis Encomijs in antiphona contentis: *Salve Regina.*
3. Primi Parentes Adam et Eva non fuerunt perpetua damnatione in Infernum detrusi propter eorum primum inobedientiae peccatum.
4. Non fuit Apostolis prohibitum peccuniam accipere, ac aliquid in crastinum servare.
5. Papae, aut Regis potestas non pendet ab illorum Sanctitate, nec consequenter amittitur propter solum peccatum mortale.
6. Etsi nulla damnaretur Ecclesiastica lege Regisidium, seu Regis quantumvis tiranicé regentis occitio per quemlibet vasallum, divinis, ac naturalibus legibus sufficienter damnatur.
7. Omni seclusa damnatione, horrendum adhuc est, ac omnimoda plenum barbarie dicere, populares homines ad libitum posse suum Praelatos, et Dominos delinquentes corrigere.



8. Etsi valde laudabilis, ac meritoria sit voluntaria paupertas, non adeo necessaria ad vitam aeternam consequendam, ut nullus possit salvari, quin omnia renuntiet, vel nihil proprium habeat.

9. Adeo utilis, et laudabilis est manuum labor, ut ex se non repugnet, aut prohibeatur Monachis, quantumvis perfectis.

10. Ut barbara reputari debet assertio in qua studia reprobantur generalia, Collegia, Universitates, ac in eisdem Magisteria.

11. Ad votum emittendum Castitatis sive temporaneum, sive perpetuum nullus constringitur absolute; qui vero valide emittit, adimplere illud potest, ac tenetur.

12. Jure divino illicitum est cuilibet viro duas uxores matrimonio sibi copulatas simul habere.

13. Talis, ac tanta est Domini misericordia, ut nullum reliquerit peccatum adeo ex se irremissibile, ut á nullo unquam Sacerdote possit remitti.

14. Nullus hominum potest absque Christi gratia omnia, prout oportet, adimplere procepta, aut suis consequi meritis vitam aeternam.

15. Licet fides sine operibus mortua sit, non adeo est aniquilata, ut per quodlibet peccatum mortale amitatur.

16. Non solum vana, sed Deo injuriosa, et hominibus valde nociva est spes Lutherana.

17. Datur Purgatorium, seu locus in quo animae ab hac luce migrantes, purgentur á sordibus quas

- in corpore contraxerunt, antequam in aeterna tabernacula recipi mereantur.
18. Animae in Purgatorio existentes extra statum sunt merendi, aut demerendi.
19. Tam finalis beatitudo, quam miseria animarum aeterna est ac perpetua.
20. Justum quidem est Haereticos incorregibiles poena mortis punire; congruum vero, ut haec ignita sit, vel per ignem applicata.

### *EX MISTICA THEOLOGIA.*

1. **P**Raeter publicas revelationes in Sacra Scriptura contentas, aliae dantur revelationes privatae, cum quibus suos Dominus illustravit fideles à primitiva Ecclesia.
2. Hae privatae revelationes si completae, ac perfectae sunt talem ac tantam generant in recipiente evidentiam, ut nullam apud se admittere possit dubitationem, immò ad fidem eis adhibendam tenetur.
3. Privatae revelationes quae dicuntur imperfectae aut per instinctum multoties eveniunt sine intelligentia revelantis, et rei revelatae.
4. Non semper ac non evenit comminatorius vel promisorius effectus per revelationem privatam intimatus, talis revelatio reputari debet ut falsa, aut Profetae sanctitas repugnari.
5. Licet sapore quodam intimo, et illuminatione quadam experimentalis sentiat homo differentias  
inter

- inter veras revelationes, et illusiones deceptorias, securum tamen est semper de veritate dubitare.
6. Nullis privatis, ut privatis revelationibus etiam miraculo confirmatis fides adhibenda est divina á fidelibus eas in se non recipientibus.
  7. Ad has accipiendas revelationes, necnon et ad communicandas in fidelium utilitatem nullum est impedimentum muliebris sexus.
  8. Si loquamur ordinario modo humanae accommodato naturae perfecta contemplatio nequit esse perpetua in hujus vitae statu.
  9. Anima in contemplatione perfecta, et in quiete summa, aut intima unione cum Deo non se habet meré passive; immó necessario agere debet, alias minime contemplativa nuncupari posset.
  10. Nullus homo quantumvis perfectus ad statum aliquem pervenit in hac vita in quo non possit petere á Deo rem aliquam; quin potius pertinet ad perfectos salutem etiam petere, et media ad eam conducentia.
  11. Datur via purgativa supernaturalis, seu spiritualis purgatio, quae medium est ad perfectionem assequendam.
  12. Non distrahit á perfectione Crux mortificationis voluntaria, et ideo viri quantumvis perfecti operibus debent mortificationis incumbere.
  13. In omnibus hominibus originale contraxentibus peccatum est fomes peccati, et concupiscentia.

14. Per solam acquisitam contemplationem non perveniunt justi ad statum in quo taliter vitent omnia peccata etiam venialia, ut ea non committant, aut committere nequeant.
15. Perfecti, ac contemplativi viri non adeo perveniunt ad mortem mysticam, ut libertate careant ad operandum.
16. Viri etiam perfecti gloriari nequeunt de imperturbabili pace; adhuc enim concupiscentiae mortibus expositi et pulsari possunt, et succumbi.
17. Perfectis quoque salutares sunt indulgentiae, nec eas quaerere perfectioni repugnat.
18. Summa est dementia dicere ad perfectos non incumbere Deo ob accepta beneficia gratias agere.
19. Philosophi, Theologi, homines denique cujuscumque status ac conditionis sint a contemplatione nequeunt excludi; quin potius apti sunt omnes, Deo illuminante, inspirante, adjuvante.
20. Etsi multum prosit oratio pure mentalis, non adeo est, cuilibet homini necessaria ad salutem, ut sine ea nemo possit salvari.

### *EX THEOLOGICA HISTORIA.*

1. Nulla utuntur accurata Critica qui Circumcisionis originem non ab Abrahamo, sed ab Aegyptiis desumere volunt.
2. Quis puerum circumcidit Jesum, ubi haec perpetrata fuit circumcisio, et quando vel a quo hoc incoepit celebrari festum in Ecclesia penitus dubitatur.
- 3.

3. Latronis conversio, miraculosa leprae mundatio filij hujus, ac mirabilis animalium mansuetudo, sicut et illud de agmine avium quae circum puerum Jesum canebant dicentes: *Salve Rex*, quaedam sunt traditiones de Domino in Aegyptum fugiente relatae, quae ut falsae reputari debent.
4. Non autem ut falsae haberi debent traditiones illae de aliquorum eversione simulacrorum, ac Doemonum ab illis expulsionem ad pueri presentiam Jesu in Aegypto.
5. Epistolarum Abgari ad Christum et Christi ad Abgarum probabilitas nullo ex capite everti potest.
6. Ut vera haberi debet historia de sacra Jesu Christi imagine Veronicae nomine designata.
7. Probabilius est hymnum à Christo D. dictum post esum agni paschalis, et sumptam Eucharistiam fuisse à D. Joanne in suo relato Evangelio cap. 17.
8. Vere sanguineus fuit sudor ille Christi D. qui refertur à D. Luca cap. 22. per illa verba: factus est sudor ejus &c.
9. Expressam ac judicariam protulit sententiam mortis Crucis adversus Christum D. Pontius Pilatus.
10. Christum Dominum Cruci affixum fuisse totaliter nudum, non omnino certum, sed probabilius judicamus.
11. Traditionibus variis de Sanguine Christi pro reliquiis conservato in quibusdam Ecclesiis, ut  
eflu-

14. Reflexo, et collecto de latere Christi tempore passionis ejus non assentimur.
12. Sanctas lacrymas, quae apud Gallos dumtaxat venerantur, Jesu Christi titulo decoratas, non ab ipsius, sed cujusdam Crucifixi oculis effluxisse, verosimilius est.
13. Coronam à Militibus capiti Jesu impositam despinis fuisse, omninó certum esse afirmamus; ex quo autem genere spinarum, ignoratur.
14. Christus D. non funibus vinctus, sed clavis affixus fuit Cruci; an autem ternis, vel quaternis dubium est usque adhuc irresolubile.
15. Licet certum omnino non sit Crucem Christi D. quatuor habuisse extremitates seu immissam fuisse, probabilius judicamus.
16. Christus D. post Resurrectionem suam primum se manifestavit Bmae. V. Mariae, deinde cæteris mortalibus, quos sacri referunt Evangelistae.
17. Christus D. in Coelum ascendens pedum suorum sacra vestigia in monte reliquit Oliveti.
18. Ascensionem Christi D. praeter undecim Apostolos, alios quidem spectasse maxime Bnam V. dignum, ac verosimilius judicamus.
19. Acta Pilati, atque ejus epistola ad Tiberium Imperatorem missa, ut vera reputamus monumenta pro Christo Jesu.
20. Nec vera extat Pilati epistola ad Tiberium, nec sunt pura ac genuina ejusdem Pilati acta.

## EX THEOLOGIA EXPOSITIVA.

1. **D**atur re ipsa Scriptura divina, talisque est nostra Profetica videlicet et apostolica nobis ab Ecclesia proposita.
2. Multiplex potest esse Scripturae divinae sensus, litteralis, videlicet, et spiritualis sive mysticus, allegoricus, moralis vel anagogicus.
3. Scriptura Sacra semper est intelligenda litterali in sensu, dum haec sit possibilis intelligentia, nullamve involvat repugnantiam vel contradictionem inter se.
4. Verba illa D. Pauli epist. ad Roman. Cap. 5. *Si enim unius delicto multi mortui sunt &c.* non recte ad litteram intelliguntur per solum gratiae excessum Christi Domini, quo non solum originale, sed omnia etiam delerentur actualia peccata.
5. Ex recta litterali intelligentia verborum illorum Apostoli: *Si enim unius delicto &c.* deduci quam optime potest peccati originalis praeservatio in Bma V. Maria.
6. Verba illa cap. 4. Geneseos: *nequaquam ita fiet* ad litteram intellecta, eo in sensu verificata fuisse, quo Deus Caino dixit.
7. Non omni prorsus destitutus esset fundamento qui Caini poenitentiam probabiliter defenderet, nec ex Scriptura certó probari potest ejusdem desperatio ad illorum prolationem. Verborum: *major est iniquitas mea &c.*
8. Justa fuit occisio Aegyptij á Moyse facta et in Exodo relata cap. 2. 8.

9. Retinenda sunt verba illa Vulgatae nostrae: et armati ascenderunt filij Israel de terra Aegipti Exod. cap. 13.
10. Solum probis, justis, ac pijs Manna proebuit omne delectamentum, et omnis saporis suavitatem.
11. Non Phinees Pontifex, sed Angelus fuit, qui Israelitis apparuit dicens: eduxi vos de Aegipto &c. Judic. cap. 2.
12. Jael non peccavit occidendo Sisaram, immo benedictionem, ac laudem ob hanc merebatur occisionem.
13. Noluit Mardocheus genuflectere coram Aman, eumque adorare, quia divinam, seu latriae adorationem superbissimus petebat Aman.
14. Vera Scriptura Sacra, aut veré canonicum est quidquid D. Joannes Evangelista tradit circa historiam Mulieris adulterae in cap. 8. sui Evangelij relata.
15. Non parabola sed vera fuit historia narratio in Evangelio D. Lucae cap. 16. contenta de divite Epulone.
16. Dies ille de quo Christus loquitur per D. Lucam cap. 17. v. 22 dicens: *Veniet dies quando desideretis videre unum diem Filij hominis &c.* dies intelligitur finalis judicij.
17. Verior apparet sententia illorum qui dicunt Saulum Pauli nomen accepisse á Sergio Paulo Proconsule, quem ad Christi fidem convertit.
18. Plurimi, sed non omnes omnino Judaei in fine Mundi convertendi et salvandi sunt.



19. Verba illa D. Pauli epist. 1. ad Corinth. cap. 15. v. 32. *Si, secundum hominem, ad bestias pugnavi &c.* ad litteram sunt intelligenda.

20. Lectio Vulgatae nostrae quae in versu 51. epist. 1. ad Corinth. cap. 15 ita se habet: *Omnes quidem resurgemus, sed non omnes immutabimur,* praefenda est cuicumque alteri graecae lectioni.

**MISERERE MEI DEUS SECUNDUM MAGNAM MISERICORDIAM TUAM.**

1. **E**T si nulla sit apud Deum parva misericordia, non tamen superflua, sed recte eam David implorat, dicens: *Secundum magnam.*

**ET SECUNDUM MULTITUDINEM MISERATIONUM TUARUM DELE INIQUITATEM MEAM.**

2. Non est iniquitas, aut peccatorum gravitas quae remitti, aut deleri nequat secundum multitudinem Domini miserationem.

**AMPLIUS LAVA ME AB INIQUITATE MEA, et à peccato meo munda me.**

3. Et si vera esset quorundam ex Recentioribus Theologis sententia asserentium minimam quamque peccatorum poenitudinem (modo illa ex Dei amore procedat) ad gravissimum quodque peccatum delendum sufficere, jure tamen, ac merito cum Profeta exclamare debemus: *amplius lava me &c.*

**QUONIAM INIQUITATEM MEAM EGO COGNOSCO, et peccatum meum contra me est semper.**

4. Regius Profeta quam optime expressit proficuum peccati memoriam per illa verba: *et peccatum meum contra me est semper.*

**TIBI SOLI PECCAUI ET MALUM CORAM**  
*te feci, ut justificeris in sermonibus tuis, et vincas*  
*cum iudicaris.*

5. Quia Davidis peccata occulta fuere, soloque Deo presente commissa, ideo recte exclamavit dicens: tibi soli &c.

**ECCE ENIM IN INIQUITATIBUS CONCEP-**  
*tus sum, et in peccatis concepit me Mater mea.*

6. Regius Profeta propriam agnoscens miseriam, ac infirmitatem ab originali deductam peccato, hanc memoratur, et redolet.

**ECCE ENIM VERITATEM DILEXISTI IN-**  
*certa et occulta Sapientiae tuae manifestasti mihi.*

7. Nova adducens Profeta motiva pro peccatorum venia impetranda, Dei veritatem, aut fidelitatem recordatur, qua se miserturum promisit omnium poenitentium, ac misericordiam implorantium.

**ASPERGES ME DOMINE HYSSOPO, ET**  
*mundabor, lavabis me, et super nivem dealabor.*

8. Christianam exoptans, ac absolutam munditiem Profeta Regius secundum incerta illa et occulta sibi manifestata exclamavit dicens: Asperges me &c.

**AUDITUI MEO DABIS GAUDIUM ET LÆ-**  
*titiam et exultabunt ossa humiliata.*

9. In bono perseverantiam usque ad aeternam obtinendam salutem Regius celebrat Profeta.

**AVERTE FACIEM TUAM A PECCATIS MEIS,**  
*et omnes iniquitates meas dele.*

10. Inpium censerit debet dimidiam á Deo sperare veniam, ideo clamat Profeta pro omnium iniquitatum deletionem.

**COR**

**COR MUNDUM CREA IN ME DEUS, ET**

*spiritum rectum innova in visceribus meis.*

11. Gratis omnino per primam justificamur gratiam qua veterem exuentes hominem, novumque induentes, recte dicitur cor mundum creari, ac spiritum rectum in novis innovari.

**NE PROJICIAS ME A FACIE TUA, ET SPI-**

*ritum sanctum tuum ne auferas à me.*

12. Gratiam in se supponens donum exorat perseverantiae.

**REDDE MIHI LÆTITIAM SALUTARIS TUI,**

*et spiritu principali confirma me.*

13. Illam exoptans lætitiã salutarem quam ante peccatum habebat, et secundum quam Christum de suo semine nasciturum esse praevidebat, exposcit David.

**DOCEBO INIQUOS VIAS TUAS, ET IMPII AD**

*te convertentur.*

14. Viarum Domini ignorantia causa est proecipua aeternae perditionis, et ideo ex earum scientia impiorum infert conversionem Profeta.

**LIBERA ME DE SANGUINIBUS DEUS**

*Deus salvis mea, et exultabit lingua mea justitiam tuam*

15. Non solum à peccatis, sed etiam ab illorum radice aut carnis origine peccati liberari petit Profeta Regius.

**DOMINE LABIA MEA APERIES, ET OS**

*meum annuntiabit laudem tuam.*

16. Non solum corde, sed etiam ore laudandus est Deus, unde oratio vocalis recte facta non inutilis, sed utilissima, ac Deo grata est.

**QUONIAM SI VOLUISSES SACRIFICIUM**  
*dedissem utique: holocaustis non delectaberis.*

17. Veteris legis Sacrificia nec Deo prosunt, nec hominibus; immo nec unquam proderant, si ideo fierent, ut in Deo aliquam auferrent indigentiam, vel in hominibus peccata delerent.

**SACRIFICIUM DEO SPIRITUS CONTRIBU-**  
*latus, cor contritum, et humiliatum Deus non despicias.*

18. Nequit esse spiritus contribulatus, aut cor contritum et humiliatum, prout oportet, ut verum fiat Sacrificium Deo absque peccatorum seria discussione, aut eorum recogitatione gravitatis.

**BENIGNE FAC DOMINE IN BONA VO-**  
*luntate tua Sion, ut aedificentur muri Jerusalem.*

19. Quidquid temporale, aut spirituale potest haberi nihil ex absoluta evenit necessitate, quin potius omnia in Domini voluntate sunt, cujus sola benignitas implorari debet, ut fausta sint.

**TUNC ACCEPTABIS SACRIFICIUM JUSTI-**  
*tiae, oblationes, et holocausta, tunc imponent  
 super altare tuum vitulos.*

20. Tunc: cum Dominus benefecerit in bona voluntate sua, ipse superabundanter pro peccatis nostris satisfaciet, et ideo ut sacrificium justitiae oblationes accipiet, et holocausta.

O. S. C. S. R. E. L. S.